

REÇU  
Par Aff Christian, 15:43, 08/03/2021

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 8. März 2021

Här President,

sou wéi d'Chambersreglement et virgesäit, bieden ech lech, dës parlamentaresch Fro un den Här Schoulminister weiderzeleeden.

Här Schoulminister, an der Reegel ginn zu Lëtzebuerg just Kanner an d'Schoul déi och zu Lëtzebuerg hire Wunnsätz hunn. Allerdéngs ginn et och Ausnamen.

Duerfir hätt ech folgend Nofro un lech:

- 1) Wéi vill Schüler, déi zu Lëtzebuerg an d'Schoul ginn, hunn hire Wunnsätz aktuell am Ausland?
- 2) Wéi eng Konditioune mussen erfëllt sinn fir dass een Kand, dat am Ausland säin Wunnsätz huet, zu Lëtzebuerg an eng Schoul goen kann? Wéi eng verschidden Fäll si méiglech? Wéi eng Fäll sinn am heefegsten?
- 3) Wéi ass den Trend iwwert déi lescht Joren, geet den Undeel vun esou Schüler an d'Luucht?
- 4) Wéi ass d'Opdeelung tëscht Grond- a Secondaireschoul, tëscht ëffentleche, lëtzebuergesche Lycéeën, ëffentlechen internationale Lycéeën, den Europaschoulen a Privatschoulen ?
- 5) Op wéi eng Hierkonftslänner verdeelen sech eis Schüler, déi hire Wunnsätz am Ausland hunn?
- 6) Bäi wéi ville Schüler handelt et sech em Kanner, deenen hir Elteren als Frontalieren op Lëtzebuerg schaffe kommen?
- 7) Wéi vill Schüler entfalen an absolutten Zuelen, souwéi a Prozent op deem administrative Sonderfall vum Schengelycée?

Mat déiwem Respekt,



Fred Keup  
Deputéierten



Luxembourg, le 23 avril 2021

Monsieur le Ministre aux Relations avec  
le Parlement

Service central de Législation  
5, rue Plaetis  
L-2338 Luxembourg

**Concerne : question parlementaire n° 3797 de Monsieur le Député Fred Keup**

Monsieur le Ministre,

J'ai l'honneur de vous transmettre en annexe la réponse à la question parlementaire posée par l'honorable Député Fred Keup.

Veillez agréer, Monsieur le Ministre, l'expression de ma parfaite considération.

Claude Meisch

Ministre de l'Éducation nationale, de l'Enfance et de la Jeunesse

Äntwert vum Minister fir Educatioun, Kanner a Jugend op d'parlamentaresch Fro Nr. 3797 vum honorabelen Här Deputéierte Fred Keup

Ad 1), 3), 4) a 5)

- **Enseignement fondamental**

Entwécklung vun den Zuelen vu Schüler déi hire Wunnsätz am Ausland hunn (ëffentlech Grondschoulen: Lëtzebuerger an international Schouloffere):

<b>Wunnsätz</b>	<b>2018/2019</b>	<b>2019/2020</b>	<b>2020/2021</b>
<b>Frankräich</b>	132	142	166
<b>Däitschland</b>	99	135	121
<b>Belsch</b>	46	53	59
<b>Total</b>	<b>277</b>	<b>330</b>	<b>346</b>

Verdeelung op déi eenzel Offeren am Schouljoer 2020/2021 vun de Schüler déi hire Wunnsätz am Ausland hunn:

<b>Wunnsätz</b>	<b>Ëffentlech Lëtzebuerger Schouloffere<sup>1</sup></b>	<b>Ëffentlech international Schouloffere<sup>2</sup></b>	<b>Europaschoulen<sup>3</sup></b>	<b>Privatschoulen<sup>4</sup></b>
<b>Frankräich</b>	61	105	38	5
<b>Däitschland</b>	76	45	89	0
<b>Belsch</b>	46	13	36	1
<b>Total</b>	<b>183</b>	<b>163</b>	<b>163</b>	<b>6</b>

- **Enseignement secondaire<sup>5</sup>**

Entwécklung vun den Zuelen vu Schüler déi hire Wunnsätz am Ausland hunn (ëffentlech Lycéeën: Lëtzebuerger an international Schouloffere):

<b>Wunnsätz</b>	<b>2018/2019</b>	<b>2019/2020</b>	<b>2020/2021</b>
<b>Frankräich</b>	559	530	551
<b>Däitschland</b>	407	446	409
<b>Belsch</b>	168	172	162
<b>Total</b>	<b>1.134</b>	<b>1.148</b>	<b>1.122</b>

<sup>1</sup> Schüler, déi an enger ëffentlecher Grondschoul den nationale Programm suivéieren

<sup>2</sup> Schüler, déi an enger ëffentlecher Schoul de Programm vun den agreéierten Europaschoule suivéieren

<sup>3</sup> Schüler, déi an den Europaschoule vum Kierchbierg a vu Mamer ageschriwwe sinn

<sup>4</sup> Schüler, déi a Privatschoulen ageschriwwe sinn, déi den nationale Programm applizéieren

<sup>5</sup> D'Zuele fir den Enseignement secondaire ëmfaassen net d'Schüler vum Schengen-Lycée (cf. Fro 7)

Verdeelung op déi eenzel Offeren am Schouljoer 2020/2021 vun de Schüler déi hire Wunnsätz am Ausland hunn:

<b>Wunnsätz</b>	<b>Ëffentlech Lëtzebuenger Schouloffere<sup>6</sup></b>	<b>Ëffentlech international Schouloffere<sup>7</sup></b>	<b>Europaschoulen<sup>8</sup></b>	<b>Privatschoulen<sup>9</sup></b>
<b>Frankräich</b>	453	98	48	27
<b>Däitschland</b>	372	37	115	51
<b>Belsch</b>	140	22	71	9
<b>Total</b>	<b>965</b>	<b>157</b>	<b>234</b>	<b>87</b>

## Ad 2) – éischt Fro

Fir den **Enseignement fondamental** fënnt den honorabelen Deputéierten d'Äntwert am Artikel 20 vum *Règlement grand-ducal modifié du 14 mai 2009 déterminant les modalités suivant lesquelles un enfant peut être admis dans une école d'une commune autre que sa commune de résidence ainsi que le mode de calcul des frais de scolarité*. Wéi do festgehalen ass, mussen Elteren, déi hir Kanner gär an eng Schoul wëllen aschreiwen, déi net d'Schoul vun hirer Wunnungemeng ass, bis den 1. Mee vum Joer virun der Schoulreintree, eng schrëftlech Demande mat enger Begrënnung un de Schäfferot vun der Gemeng, an där si hiert d'Kand an d'Schoul wëllen aschreiwen, schécken. De Schäfferot kann dës Demande dann acceptéieren, wann d'Organisation scolaire dëst erlaabt an nodeems d'Motiver duerch déi kompetent Servicer kontrolléiert goufen.

Als Begrënnung kënnen laut *Règlement grand-ducal* eenzeg folgend Motiver genannt ginn:

- d'Betreiung vum Kand duerch e Member vun der Famill bis 3. Grad;
- d'Betreiung vum Kand duerch eng staatlech zougeloossen Drëttperson, déi eng *Activité d'assistance parentale* ausüübt;
- d'Betreiung vum Kand duerch eng staatlech zougeloossen Aarichtung aus dem sozial-pedagogesche Beräich;
- d'Lag vun der Aarbechtsplaz vun engem Elterendeel.

De Schäfferot huet op Basis vun der Demande bis de 15. Mee Zäit, fir seng Decisioun den interesséierten Eltere matzedeelen. Falls d'Demande acceptéiert gëtt, informéieren d'Elteren d'Gemeng vun hirem Wunnsätz an d'Kand gëtt vun der betraffener Administration communale fir dat kommend Schouljoer an der Gemeng ageschriwwen.

<sup>6</sup> Schüler, déi an engem ëffentleche Lycée den nationale Programm suivéieren

<sup>7</sup> Schüler, déi an engem ëffentleche Lycée de Programm vum IB, vun den A-Levels, oder dee vun den agreéierten Europaschoule suivéieren

<sup>8</sup> Schüler, déi an den Europaschoule vum Kierchbierg a vu Mamer ageschriwwen sinn

<sup>9</sup> Schüler, déi a Privatschoulen ageschriwwen sinn, déi den nationale Programm applizéieren

Fir den **Enseignement secondaire** fënnt den honorabelen Deputéierten d'Äntwert am Artikel 37 vun der *Loi modifiée du 25 juin 2004 portant organisation des lycées*. Dësen Artikel erlaabt et de Lycéeën, d'Schüler "*dans la limite des capacités d'accueil*" anzeschreiwen, woubäi d'Proximitéit zum Wunnsätz soll privilegiéiert ginn; ausserdeem präziséiert den Artikel: "*L'élève bénéficie d'une priorité d'inscription dans un lycée où un autre enfant faisant partie du même ménage est inscrit.*"

**Ad 2) – zweet Fro – an ad 6)**

D'Grënn aus deenen Elteren, déi hire Wunnsätz am Ausland hunn, hir Kanner wëllen zu Lëtzebuerg beschoule loossen, ginn net erfaasst.

**Ad 7)**

Wunnsätz vun de Schüler vum Schengen-Lycée:

<b>Wunnsätz</b>	<b>2018/2019</b>	<b>2019/2020</b>	<b>2020/2021</b>
<b>Frankräich</b>	51	44	51
<b>Däitschland</b>	497	504	501
<b>Belsch</b>	0	0	0
<b>Lëtzebuerg</b>	339	348	339